

味靈華館詩

一冊

宣統庚戌三月


味靈華館詩

陸潤庠題



朱靈華詩

商 明 享 老 生 遺 像



朱靈華詩

欲續黃初格金荃妙墨新自
堅求道志遑計賣文貧慎守
專門學休忘問字人粵洲蕭
艾夥珍重芭蘭身

題落陰集卷面 樊封

余嘗謂蘇明允以布衣起窮僻遂自奮發博通羣籍究
百王之治要益肆力於經世之文淵卓竒警釐然成一
家著述然後沿岷江踰太行走京洛跋涉數千里能自
致於公卿之間而迄無所遇合幾汶汶以沒世何其窮
也其後子瞻子由兩昆季先後入詞館躋卿貳鵬歷方
面參預政府文采勲業鄂跼輝映於時權書衡論諸篇
始大重於當世天下學子至奉其單詞片義以為圭臬
而眉山蘇氏遂為有宋一代文章大師流風餘韻至於
今勿替又何其盛也豈天之報施將豐於彼而不得不
嗇於此耶抑所謂不於其身於其子孫者耶蓋文章之

道達則為勲業所掩窮則又不足以自傳必窮與達合并而其文章始顯於天下傳於後世古之詞人文士無一日之遇而得千載之名者何可勝道然必有貴顯之人為之依託或傍於師或附於友或由名公宰輔之宏獎至出於後嗣光前之力如蘇氏者則固文人之奇福百而不得一者也明允之文得二子而始尊而二子之所著述亦以乃翁之文譽而益為天下後世所信仰遂不為勲業所掩美而彰盛而傳其所以合并之故非偶然也嗟乎知此說者可以讀吾友瀋陽商君之詩矣君諱廷煥字明章自余未弱冠在童子軍中即刮目相識

且同補學官弟子既而余與劉君安科馮君端先後創立詩文社君皆在席以是日益稔於時同社中如許君普濟馮君健武君吉祥薛君維均與君皆一時知名士年少氣盛意興豪邁每當酒後耳熱慷慨論詩文宗尚或旁及天下事往往拍案斫地悲歌俯仰似不可一世由今思之亦一時之盛已亡何而人事乖隔社亦星散余自是棄筐篋佐官幕馳驅戎馬郵問希闊聲氣稍不相聞而同社中如劉許馮武薛諸君子皆挾巍科躋臚仕余亦僥倖領鄉薦惟君鬱鬱一無所遇獨其為詩日益工而又不克極其所成就年未五十而老且病以死

每思古人才命升沈之說未嘗不為之戚戚也自後余宦遊浙中又數年而君之哲嗣伯子雲亭以名進士入詞館仲子藻亭旋以第三人及第聯鑣文苑聲譽颺起海內以為軾轍余乃始擊節狂喜恍然知天之所以位置吾友者固如是其鄭重而分明也先是同輩論詩多取沈博絕麗而君獨謂詩與文異當以味淡聲希為貴其所為詩亦多如其所言論者或謂其所以不遇之故殆由於此由今觀之然耶非耶今歲之秋余以赴引入都雲亭藻亭以君所著味靈華館詩集見示囑余叙將以付梓余老矣一行作吏不能復從事於筆墨之役

第一展卷間便覺如在故鄉如見吾友如與劉馮許武
薛諸君子晤對一堂相與催銅刻燭賭思鬪韻空山風
雨一燈熒熒四十年來如夢如昨如聞鄰笛如過酒爐
不自知其棖觸之何從也獨余尤有所冀焉者以賢昆
玉之科第才譽已足與蘇氏媲美而異日之勲業政績
猶未可量願益勉追蘇氏昆弟之遺軌使卓然皆有以
自見不拘拘於文學或益駕而上之以充其才其量之
所至使歌頌功德之人推本於過庭之訓則是集之傳
將因之而愈遠而余區區名氏亦得附於鴻箬以傳有
榮幸矣是編自辛酉起至丙戌都為一集凡六卷君所

為古文詞及各近體與其他著作尚多均有家法足以傳後茲尚未編纂然得此足以當一嚮矣

光緒歲次丙午仲秋心原李思敬序於京寓

姪衍瀛衍塗手鈔味靈華館詩將付之梓請海內大人
先生為之序而欲余一言味靈華館者先兄明章哀集
所作而名之者也憶歲在丙子明章與章君聘臣張君
仲廉及兄安侯同讀書於羊城訶林余附學焉新秋之
夕皓月暖空鄰家笛聲清澈入耳掩卷而起散步於菩
提樹下憑石欄干相與論詩謂詩以道性情風雅頌尚
已楚騷漢魏六朝唐宋金元明以及國朝諸大家莫
不有真性情在而杜少陵雄渾沈鬱寄託遙深窮天地
民物古今之變歷山川兵火治亂興衰之蹟一發於詩
如風雨如雷霆如奔濤駭浪澎湃起伏如怪石異獸奇

鬼攫人動心蕩魄不可逼視猶自謂老去漸於詩律細
詩豈易言哉近以禪喻失其真矣既步至風幡堂下口
占云我心朗如月我心堅於石風幡俱不動禪悅久寂
寂簷外宿鳥聞聲戛戛驚起一笑而罷遂有睡佛藏經
閣羅漢井南漢鐵塔宋寶慶石幢諸作集中不載未存
稿耶抑刪之也又嘗同游北郭外之白雲山下尋蒲澗
安期生得道處芳草芊綿林木古秀泉水泠泠青石激
響與吟嘯聲相答復越月溪上摩星嶺最高頂東瞰扶
胥西眺石門江水一綫瀉入襟帶間慨然曰天風盪我
胸矣指邱壑深處古松蒼蒼白雲滃鬱起於其下謂余

曰此極佳一尋詩境余對曰謝家屐齒所不到所得無
乃幽峭語祇自怡悅當不減於灞橋風雪驢子上也首
肯久之曾幾何時歲月易逝已二十有八年矣明章生
平胸次蘊藉和易近人無疾言遽色人樂親之讀其詩
可以得其性情詩各體俱備七言律尤多蓋平日瓣香
浣花故詠古懷人感事諸篇心摹手追欲起而與之角
更憶當日論詩之言乃自道甘苦有得者也余簿書從
事蓬鬢欲霜交游漸疏歌詠亦少秋風撼壁夜午燈青
古意今愁棖觸未已執卷兀坐覺音容笑語儼然猶是
望雲山坳踏月古寺時惜聘臣宦桂林仲廉宦武昌安

侯教授里中相隔各數千里不能與之同論定也
光緒甲辰秋七月弟廷修敬書於京師寄拙窩

味靈華館詩卷一

瀋陽

商廷煥

明章

唼蕉集

芸館芭蕉漫天生綠聽風翻雨滴之聲對斜月夕陽之影撩人情緒堪助吟懷爰以名集

辛酉

奉和昆吾師元日試墨之作謹步原韻

一竿椒觴曉薦辛
撩人風景倍愁人
桃符那合重重換
笳鼓猶聞處處新
但飽芻茭虛豢養
幾曾甘旨偶娛親
年來化雨欣同沐
且向鱸堂日問津

春夜注海語室遇湯小峰傾倒之下因贈以詩

汝南叔仲信無雙
腹有千書百怪降
豈僅才華聞上國

行操風雅振炎江談來世局投班管話到風花剔玉釭
他日平蠻興大典磨崖巨筆讓君扛

挽蒼梧殉烈施香海

櫓槍芒逼海天西外蛇日鬪飢鴉啼赤眉沓至官吏走
蒼梧血濺紅成泥奮起詩人施香海毀家召募扶孱宰
擐甲登陴扼空濠兜鍪蟻蝨逾半載先團義練護鄉民
人如乳虎馬游麟要截梟獍無東竄勿使片帆渡南津
賊來但見橫义手鼓髯一嘯龍泉吼踰垣夜出白桿軍
斫盡妖狐鼯鼯走援亡儲盡粟兼金嚼茶煮紙羅飛禽
枵卒僵卧鼓聲死示以大義無二心從容指畫同無事

錦函秘授少梁意

梁堯俞先生弟子

銜枚疾搗大林碣

堯俞與平安司

趙孟川連破賊巢薄有斬獲

斜趨水井搜兵器

堯俞與林鑣和歐安國縋城至水井構辦

軍賊糧山積大城東火之一炬因驚風徵軍十道咸謝

絕坐令萬衆成沙蟲疆臣黑夜潛命駕敝衣囚首隨東

下斬關何待寇開門戇夫鬪死空叱咤

八月初十夜賊陷北門堯俞死

之先生巷戰無壯卒僮僕提戟扼交衢誓戈不死賊嘗

手歸來坐笑藏經幙北謝君恩臣力竭披髮魂將訴帝

闕全家畢命智井中長呼乃就波心歿

城陷驅妻女盡投井中然後殉

烈於城東鱷池

冠蓋當時盛其儔成仁翻賴子衿流

殉烈者何培及施梁

三人皆庠士也

燔巢賸有蘇樓在

先生曾建蘇樓於蘇山之外以教授鄉里

山木爲